



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 388. 389. De manso et mancipiis traditis in villis Amalgateshus et Halchrissun intra pagos Tilithi et Hessi Saxonicum, nec non de origine nobilium Dominorum de Buren.

urn:nbn:de:hbz:466:1-36114

Ab anno
922 usque
942 re-
gnante
Henrico I

§. 388.

Tradidit hirimannus pro fratre suo adalrico I mansum et V iurnalem in *amalgatesbus* (p).

§. 389.

Tradidit raginuardus quinquaginta quatuor mancipia in *halchrißun* (q) pro filio suo herimanno.

§. 390.


anno 932 est mortuus. Hæc traditio ante annum 929 peracta est, ut infra patebit. Quocirca nihil impedit nos, quo minus *Tiatmarum* pro illo *Tiatmaro* habeamus, de quo egimus supra §. 314, 339, 318, et 345. Cum autem ex nostra sententia *Tiatmari* nostri proavus fuerit *Haddo*, filius *Brunonis ducis* ac frater *Eberti ducis*, eadem sententia, si nitamur bonis a *Tiatmaro* nostro traditis, probabilior redditur. Quidquid *Haddo* tradiderat, id erat situm in villa *Stalo* intra pagum *Auga*, testante §. 21. Hæc villa *Stalo* ne quidem iter dimidiæ horæ, a villa *Silobiki*, in qua *Tiatmarus* quadam sita fuit largitus, disiuncta erat. Ambæ autem ville vix iter duarum horarum a celebratissimo castro *Brunisburgo* distabant. Credamus ergo, *Tiatmarum* fuisse et abnepotem *Brunonis ducis* et cognatum *Herdagi*, pronepotis *Widekindi Magni*.

De villa
Amalga-
reshus
in pago
Tilithi,

(p) *Amalgatesbus* erat, Registro nostro testante, in pago *Tilithi*, quem ad *Wiferam* in præfecturis *Polle*, *Gronde*, *Ohfen* atque *Artzen* existisse, iam supra vidimus. Putamus ergo, designari per *Amalgatesbus* vicum *Amelgosen*, in præfectura *Artzen* inter vicos *Hæmelschenburg* ac *Wellen* situm. Sed quis ille, quæris, *Herimannus* fuit? Respondemus, id nobis plane prorsus haud constare. Nomina interim *Herimannorum* in stirpe *Widikindea* crebro satis repetuntur. In pago *Huerigo*, qui pago *Tilithi* erat contiguus, familiam *Widikindeam* bona possedisse hereditaria, omnino supra demonstraui. Non ergo veri sit simile, *Hirimannum* cum fratre *Adalrico*, sic enim dux *Ostfalorum Hessi* seu *Afig* appellabatur, ad gentem spectasse *Widikindeam*. *Hirimannum* nostrum fuisse filium *Bardonis II*, probabile nobis videtur. Si quis autem nostræ sententiæ refragari maluerit, ei non inuidemus dissentienti libertatem. Coniecturas enim nostras tantum afferre volumus in medium, quibus non ubique inest summus probabilitatis gradus.

De villa
Halchriß-
fun in
pago
Hessi Sa-
xonico.

(q) Villa *Halchrißun* collocatur ab abbate nostro *Sarachone* in pagum *Hessi Saxonico*. An ipsa fuerit *Haldveschen* vicus, qui circa annum 1339, funditus fuit deletus, testante *Chronico Rhythmico Hassiaco* in *Cl. Kuchenbeckeri Anal. Hass. collect.* VI. p. 273, nondum pro certo adfirmare libet. Illud interim nobis videtur probabile, *Raginwardum* fuisse illum *Reinwertum*, qui supra §. 344 appellatur filius *Widekindi*, et quem l. c. patrum reginæ *Mabildæ* appellauimus. De his confer, si placet, §. 229. 275. et §. 339. Inde hoc genealogicum schema emergit et enascitur.



Con-

Connexionem horum dominorum genealogicam vsque ad *Herimannum* opti- et guber-
 mo niti fundamento, facile dabunt rerum periti. *Herimannum* autem fuisse pa-
 trem *Ranwardi* eiusque fratrum, nondum demonstrare licet testimoniis scripto-
 rum coetaneorum. Conclufimus vero illud e nominum similitudine, ac situ bo-
 norum, ab his dominis possessorum. Nonne vero probabile videtur, *Heriman-*
num filio cuidam suo indidisse nomen ab auo eius peti-^{Corbe-}
 tum? Chronologia sane huic sententiae nostrae non repugnat. Sumamus vero, vti iam supra §. 225 sta-
 tuimus, *Widekindum*, filium *Ragenberti*, natum fuisse anno 854, atque anno XXX
 aetatis suae vxorem duxisse. Ita *Raginwardus* vitalem auram primam haurire po-
 tuit anno 885. Quodsi porro *Raginwardus* atque *Herimannus* connubio sibi iun-
 xerunt thalami socias anno XXX aetatis suae, vitam excipere potuerunt *Herimannus*
 et *Ranwardus* anno 916. tunc anno 947, *Volkier* anno 948, atque *Ekkio* anno 949.
 potuere nasci. *Ranwardus* itaque circa annum 1013 adhuc in viuis esse atque aliquid
 dare potuit. Quodsi adhuc certum esset, per villam *Bilfsi* in *Vita Meinweri* T. I.
 Leibn. p. 533. n. 37. designari vicum *Bilstein* in principatu Waldeccensi intra
 praefecturam Landau; tunc, ea data conditione, *Walbertum*, qui in eadem villa
 quaedam tradidit ecclesiae Paderbornensi, ad hoc ipsum stemma referre vellemus
 et perhibere, eundem fuisse *Herimanni*, vel potius fratris *Herimanni* filium. Pro-
 babile enim nobis videtur, patrem *Walberti* huic filio suo nomen indidisse, a
 progenitoribus suis petitum. Sed hoc in medio relinquimus. Illud vero pro-
 babile reddi, speramus, quod praedictus *Widekindus*, qui, teste §. 344, in villa Bu-
 riun, a qua dynastia Burana postea nomen accepit, ecclesiae Corbeiensi aliquid tradi-
 dit, latorem fuisse celebratissimorum dynastiarum de Buren appellari solitorum,
 quorum e diplomatis, partim editis, partim ineditis, annotauimus nomina, quae
 tabulae inclusimus sequenti, reseruatis probationibus in aliud tempus. Iam nihil
 aliud addimus, nisi quod contendimus, vltimum huius familiae fuisse *Mauritium*,
 non *Arnoldum*. Hoc posterius H. A. Meinders perhibet in *tractatu de statu re-*
ligionis et reip. sub Carolo M. p. 482, docens, *Arnoldum* fuisse addictum Societati Iesu,
 totamque dynastiam Buranam cum toto territorio, villis atque oppido anno 1660
 collegio Societatis Iesu, quod Paderbornae floret splendetque, tradidisse, iuris-
 dictione sola Principi Paderbornensi reseruata. En tabulam genealogicam.

